

金石續編

金石續編卷第八

武進陸耀遒纂

太倉陸增祥校訂

唐五

陳令望心經碑

高三尺廣一尺六寸十五行行二十字額題
趙川陳公蜜多心經碑九字三行並正書

般若波羅蜜多□□□卷

不錄文

天寶元年四月八日河北道宣慰使朝散大夫守內

侍陳令望造

按河北道宣慰使朝散大夫守內侍陳令望造蜜
多心經碑唐書地理志河北道有採訪使而無宣

慰使通鑑開元十六年以宇文融為戶部侍郎兼魏州刺史充河北道宣撫使註宣撫使始此宣慰宣撫職蓋相同諒皆因事立名非常職也朝散大夫從五品下內侍從四品上

張尊師探玄碑

碑高四尺五寸廣二尺六寸二十九行行五十字行書在河南濟源縣

唐東京道門威儀使聖真_玄元兩觀主清虛洞府靈都仙臺貞_玄先生張尊師遺烈碑銘

大_玄道觀法師蔡瑋撰承議郎行河陽縣尉韓贊書

先生諱探_玄字體微家世南陽正一真人道陵師君之

胃也真人光上清之版蓋中古之仙眴昧而駢馳鬼神
指麾而震動河岳仙支流乎百代真氣降于三天

元將斧績妙門光傳法印興復乃烈是生貞元曾祖
儼周襄國茶州刺史大父幹隨平州司馬襲封朝陽縣
開國子父睿遭季世亂離終身向晦莅州也政符于德
儒司武也才叶于文若避世也道隣于仲御盛矣哉
其先自沛遷鄧朝陽因官徙廣平今為臨洺人也先生
童而遜悌冠而貞愿勁若循簞之節和如罔磬之聲正
衣冠而冰雪在容離堅白而窾却遊刃陌君之施遠矣
文明初

天皇下席國家延慶于道度為仙官

隸本郡明山觀道士開元初補西京景龍觀大德恩詔

供奉將授諫官先生執心堅明守道純固固辭見許
十四年朝廷增崇大聖祖_玄元廟祠庭有恤密還宮
垣擇賢才以時湮溺天子精選黃褐親垂紫書先
先生與峨眉王仙卿青城趙仙甫漢中梁虛舟齊國田
仙寮等允膺宸鑒有司備禮冠蓋紛迎登邱山俯河
洛飄飄明霞之外窅窅_玄之際望者以為神仙之會
也廿一年詔為東都道門威儀使與洞_玄先生司
馬秀同拜於玉清_玄壇冠重疊之五雲佩離羅之九色
霜臨絳府冰鑒_玄都邈登仙階允執天憲自是采真
遊者知證歸之所存焉俄兼聖真_玄元兩觀主清飈不
弭令望如初先生異時靡然歎曰始吾耀德繕性矜仁

窃名将以貽混人間心存應 帝殊不知外護內捷已
清真焚和大丈夫當神動 天隨披然移是日歷選海
岳至心乎茲山焉入清虛洞宮得皇人秘記曰凡初躋
道位必先詣陽臺即此山是也先生乃考卜幽昧薦
辭明靈至誠罔通若遇神授雖子真谷口遠遊即中
一時也古老相傳曰仙人臺也昔周王昇仙太子朝
天壇於此臺上有憩笙鶴之臥今 我唐玉真公
主於臺下構館為集靈仙之都罔風嘉聲信萬古之同
德其地即是古奉仙觀前有拔鍾泐為蛻口之藩每至
陰凝黛碧則霜韻常聞雖千載之湮淪九州之殊異
者也 公主以 天人之貴 帝子之尊玉鏡清懸瑣

華洞照白夫醫真官於金格烈仙位於瑤壇曰大洞三
景法師四紀于茲矣頃年搖羽節吟鳳簫真相光煌於
九天風馭周遊於羣岳以為此地青溪万仞碧洞千
門煙蘿嘶風金澗生月可冥八秘滋五牙朝曾丹田豫
遊冲漠 皇上奉尊 祖之孝穆友于之仁 恩降紫
宸光融碧落題上方公主幽居曰平陽洞府小有仙臺
又於山門別署金榜為靈都觀貴主又罄散湯沐首事
增脩先生亦德契言從道同心一盡以 天恩所賜口
裘器服及私居庄碾園墅資營繕焉惜乎厥功未而晏
然體逝享年七十有六默遷於山口雲泉之業時天寶
元年七月丙寅也先生將示疾也預脩金籙法事躬奠

河圖醮禮倏有二仙光降百神昭其景象靈命及遺
試_因譚誌傳詳焉文多不載及平解蛇也非煙覆寢異
香盈室參老龍之戶疏子鶴之塋隣人見先紫衣白
馬俄亡所在烈風迅雷晏而後息八月壬寅封樹之際
赤氣被於_因宮信夫昇仙之驗也奉仙觀主殷抱質聖
真觀監齋冠含光夙奉主恩經始靈都之役道士席
守元馮若水任詢吳運劉意並承天澤服朱_因牡之
門猶子庭芝門人靈應或感愴泉洞或悽傷竹林相與
歎雲霓之不歸望松檟之增慕瑋也肅尚其德悅聞其
風故謚曰貞_因先生頌崖略于幽石

溥博泉源清漳孕靈淪激波怒如雷如霆於昭乎貞_因

才全而德形端若表炯若星嶷岳峙潛泉渟侗乎而來
委天和而出壺翛然而往混元化以歸冥乘日之車
子馭雲之輶飛霞丹霄子流金火鈴小有空洞子清虛
明庭雲層峩峩子上鎮郊坰浩劫洋洋子厥德弥馨
天寶二年歲次癸未六月己酉朔三日辛亥建刻
字人李興

按碑述張尊師探元遺烈蔡瑋撰韓贊書探元為
正一真人張道陵之胄始為廣平郡明山觀道士
開元初補西京景龍觀大德廿一年為東都道門
威儀使兼聖真園元兩觀主玉真公主於清虛洞
仙人臺構館為集靈之都上題幽居曰平陽洞府

小有仙臺於山門署勝曰靈都觀探元資營結木
畢功而逝碑云厥功未而晏然時為天寶元年七
月八月封樹二年癸未六月建碑孫氏訪碑錄說
作三年三年為
甲申且已攷蔡瑋又撰玉真公主受道靈壇祥應
改年為載碑亦天寶二年又見齊莊撰王屋山劉尊師碑云
天寶六載玉真公主已捨館陶之封卜居平陽之
洞與此碑並合是仙臺構館經始於天寶元年玉
真寶居洞府史但稱玉真入道置觀於京城興輔
坊聖梯魏知古皆諫而未及東都之墟都觀也

玉真公主祥應記

喪本高廣行數不計
行書在河南濟源縣

全入唐五

玉真公主朝謁譙郡真源宮受道王屋山仙人臺靈壇
祥應記

御題額 宏道觀道士臣蔡瑋撰 朝請大夫宏農郡
別駕上柱國臣蕭誠書 西京大昭觀□□元丹
□□□□建

皇上隆宥天下之世載也物歸混茫人復大樸故我元
元 祖帝服龍駕雲表玉容臨天門□真□□以寶
靈命國□嘉祥所謂純□□□□□契矣明年春
三月既望乃詔上清宮都大洞三景法師玉真長公主
有事于譙郡御真宮泊名山列岳靡不展□將以伸誠
敬□□□□也公主承□□□□受□□□□□

○沆瀣亦所以履虛極而胎炁戒也於是浮函關之紫
氣乘帝鄉之白雲登□□陳□□及□駢馳百靈□□
千里夏四月屈于□宮□□宣□□誠□□□□聖
□之□德贊皇心之在人精意克欽休應如響先天后
廟有木文隱成太字垂八角之□□元元壽宮有飛龍
躍于重泉□九井之瑞既而□□□□圖則天之合
莫貞明□□或潛虬吐液以澄暎仙鶴縈空而鳴舞紫
霞凝壇彩雲拂樹允所謂降福穰穰惟休之□□若是
其至矣者哉迴□言旋息駕太室捫日闕步玄門挹上
清羽人焦□于中峯絕頂訪以空同吹萬之始丹田存
一之妙不踰月又將朝于王屋之天壇及仙人臺而北

岳洞靈宮胡先生賁然來會先生支離其德骨不其容
方□□□嶽□□偃思□□賓聲□□大庭廿五人獨
守真於恒代世六洞遠陟降於清虛公主曰齋心順風
膝行避席請受八錄三洞紫文聖書先生□虛已忘心
真契冥合遂以是月下宿甲午子夜象□□□星陳□
□以金寶盟天霜羅薦地時也煙空夕霽固若朝徹森
然如有靈官□議法位周列簫管清籟□□□□□
希微髮鬚□□□風灑萬木颼然餘音而壇無搖旌燈
不振煥公主於是官三極府百神左右不戒而嚴肅如
也泊乙未丁酉異夕同符皆有甘露夜零珠明玉潤華
滿庭樹香襲人衣□□□下有泉名□鐘□齋淪□□

殆不可測每有□人精思遐感則霜韻潛鳴迺五月辛
丑之夕公主露真文敷玉□鐘聲乃殷發深底遠和靈
韶自暝達曙壽容不絕壬寅佩五老真印杖八威神策
端五度靈飛六甲傳韶□七元攷日月交輝或雲霞動
色晃朗天宇揚光仙山至若始陰玉符祖劫雲□鬱儀
結隣之錄□晨宴景之道則有上公□保三元□司皆
降飛雲綠輶肅輦金蓋然□□授口訣冥感□□故署
□格曰玉真□華真人皆真命自天理絕同□甲辰言
功受秩清晨解散復有祥飈蓬蓬然中壇而起若神官
羽駕歸飛於太空時聞步虛□□□徐轉公主□鳴
□鼓貫斗□延立久之返乎居室矣是歲東周炎亢自

春徂夏人□□力野無良苗公主登仙臺臨洞府□鑪
□□飛步□剛俾夫金龍驛□辟奠□禮俄而□□□
甘□流盈尺故當時遠近咸謂之公主兩焉則知夫
德苞於經濟者其業也廣行通於神明者其感也深自
非降彤庭孕靈金格特受異氣蔚為至人則曷能靜
該道□動□天祐祈誠必應休有明徵者哉公主法
号無上真字元元睿宗大聖真皇帝之愛女一今上
之季妹青骨凝照瓊胎洞虛□葆□園門而禎符不一
年甫二八當景雲之初始受道於括蒼羅浮真人越國
葉公其時老君為親降法壇□□三刻言以口授義以
神融故其固章隱訣代莫得而聞也但見事載青史緯

編玉諫西京宜壽縣之樓觀者昔文始先生尹真人□
氣之所山水屋盤蒼蒼古墟崢嶸丹宮後聖有作公主
以天寶之前歲孟夏月佩叅靈之印混疑始之心臨目
存真斯焉攸處若然者七日而所居精室卿雲覆之有
二青衣玉童白雲來拜曰而動承指使常在左右也則
仙格之稱不其宜哉自是漱五晨之輝採九芝之秀踵
息聽氣遺形絕粒動無違事矣不□則何能周括萬象
徧索羣岳得于茲山焉夫此山者隱□陽臺小有天洞
環合曾翠凌□□□情騰赤霄而□凝霞明□丹梯而
□□□昔王子晉舉手緱嶺息駕於斯□□天壇□□
異□連太行懸□千仞□□皆秀孤松自煙况其研谷

攬峯玉林□草可名言也公主卜築□□為采真□居
柴門枯亭□□茅室丹竈叶日藥園長春勺水可以□
□□□拳石可以□□□□□公主上前年輝灑宸翰
光顯寶額曰平陽洞府小有仙臺又於山門別署金榜
為靈都觀公主優遊爰歲將廿年□□已□昇仙階及
茲凡五受真錄宜其□六合□□弃□□如脫□□而
□之輕舉元默□天□□永願祝堯不能忘魏是知無
往不適与道為徒者非至德其孰能與於此焉有若監
度深舉中岳三洞鍊師馮齊□王玉京同法壇面岳道
士□延壽中使內謁者監程元暹王屋令李拯官寮道
俗莫不咸向茲觀時東京法衆元元觀主王虛貞等鼓

金磬翊霞軒陪□平絳宮之前倘佯平碧宇之下稽首
雲會□聲而言慶大君受祚於元元天妹同荷於女偶
詠歌不呈願紀斯文瑋幸得捧饌瑤壇舐札瓊府輒敢
扣冲竄搜查冥昭列元猷□□□琬誠慙□□□愧當
仁□□□紀□□實貞□□有唐天寶之二載也

大中大夫守河南少尹臣李□□□中使□□臣

□□□西京大昭□觀道士臣□□□□□石

第一千二百十二唐玉真公主受道祥應記蔡瑋撰

蕭誠行書天寶二載

金石錄

唐書公主傳睿宗第九女玉真公主字持盈始封崇
昌縣主俄進號上清元都大洞三景師天寶三載奏

請去公主號罷食邑元宗不許再請乃許之薨寶應
時唐初公主之為道士者以武后女太平公主最為
驕恣卒以謀逆敗若玉真公主者其受道祥應之果
否姑不必論觀其辭封樂道亦可謂善終者矣書碑
之蕭誠唐書宰相世系表官司勲員外郎趙氏金石
錄天寶三載庫狄履溫碑亦誠之行書也中州金石
記有玉真公主受道靈壇祥應記天寶二年立亦道
士蔡瑋撰元丹圃正書在濟源靈都宮與蕭誠所書
此記為一時所立也

筠清館金石記

按此蓋中州金石記誤以建碑人為書人非又一碑

也

吳式芬志

天寶陀羅尼呪石刻

石高一尺六寸廣二尺二寸二十七行行二十字正書在陝西西安府

佛頂尊勝陀羅尼呪

佛說無垢淨光大陀羅尼神呪

交皆不錄

天寶三載歲次甲申二月十五日建

任令則碑

高七尺廣三尺五寸三十行行五十
四五字不等行書在陝西武功縣

大都督府別駕上柱國任府

君神道碑并序

上史李邕文并書

若享以令

於位德富於時夫高也不以固

翼子之惟肖矣

公諱令則字大猷本樂安博昌

國與薛同姓故滕侯曰寡人若朝於薛不敢與諸任齒

漢御史大夫敖後漢司空隗吏部尚書愷並朝□□

府君祖
皇朝鄜州

司馬辯府君考
皇朝資州司馬直太史盛□□

退身周仁形志或雲

無悔 福永歸 如也公駿發炳靈

丕承□訓風神散遠軌度閑□□□□鏘金有聲雜
以詩書□□□□□□□□名教之中□□
□□其□文其德武其□仁其行禮其□智其謀義其
斷司馬□□□□□□□□□□□□□□
□將□□□□□□□□□□□□□□器用已周興
輔將□□□□□□□□斯□□□可襲汝其□□□□
公乃執顏拜首□□□□□□□□□□□□□□
□□□□□□□□□□□□□□□□□□□□
於□□□□□□□□傾落亦□□□□□結茅匝營植柏祥鳥
□□□□□□□□□□君子□□□□□□
則天□□□□□□□□□□□□□□以

宗□□□□□帝□□□之□□□□□□□
□□□□□□□載或□公□□觀書雖□積學貫□
習□□□□□□□

□□□□□地府□□□□□上□何□左□□
□除□將府左果毅仍長□議□歎曰□公執戟藩□
□□□□□放代也一從一橫一□一□□□□
□□□□□□□□□泉府折衝時吏部尚書朔
方□使王公諱□忠□倜儻之□□□□足威邊
略能戡難□□□□□擊□□公□以五□
□以五□伐交鬪其□武□樹伏其三□□虜懾□
康待賓□□□□□朝廷以弓勁馬□□□□

嚴備□正人□□歎公□昔者李□封侯孫□□情公直
□□用而命舛莫登雖□□□□□□□□□□
□賞所乘馬□公□□或□病者乃奏公副前相□李
公元紘以討之□旅飲至授鹽王府左親事典軍隨班
例也□以□□□□□有□□公朝議大夫□州大
都督府別駕專知和州靈關兩道遊弈使公刺候每精
什伍□□罰明而賞信衆附而師和賈勇者投石而□
行□□者□□□□□是以石□諸□□相次歸□者
累八九焉乃將□四夷掃萬□為□□□作邊
長城而天不遂良神或助逆□兇猶□□□刻□臣之

□子□□嗚呼以開元十六年十一月廿六日寢疾終
 於官舍春秋六十有五悲夫夫人吳興郡君謝氏輔德
 □行和鳴□□□□□□□□□□□□□□□□□□
 年十月十八日合葬於武功縣仙原禮也□王府屬令
 方公之弟也岷州刺史奉國公之□□□□□□□□
 □□□□□□□□□□□□□□□□□□□□□□
 子神鼎府左果毅武貞仲子左司禦司戈奉先次子兵
 部常選黃季子孝國□□□□□□□□□□□□□□
 從事□□窮□□丹電□松植風緊泣血將訴號天莫
 追願紀述於先塋□光揚於往行其詞曰
 □□黃帝地□□□□□□封命□與薛分流□□□□
 □□□□□□□□□□□□□□□□□□□□□□

臣輔周人為國寶學是家臣其族有賢英業尚韜晦藏

用□□鳴謙□背有典有則可久可大□□□□□□

□□其二□□子芬芳盛時風□代□□□人師絕編

廣業□□□詩承惟名父特許青資其代邸方開醴酒

□設既本文□□□□□□懷□□□□□□□□

謀因加武烈其揚雄執戟王粲□□橫絕漠氣遏長

雲三邊金鼓萬里功勲興言鷁領耻與□□其一□□

□□□一□□以□牙生長羽翼胡覆久摧戎羌屢北

□□□元功未塞其悠悠旅□眇眇山行歸途劔閣

返葬墳塋□□□□□□□□其禮樂詩書

伯仲叔季號天追攀泣血□□□心是日紀德茲地刻

卷八
□□於豐碑懸孝思於荒隧

其八

天寶四載十二月廿八日建

按李北海撰書任令則碑偃師段襄亭大令

嘉謨

任武功時訪得之拓以寄贈碑凡一千五百餘字
可辨者尚及三分之一姓名官階卒葬年月以及
先世後嗣猶得諦審錄之任氏之先始於薛侯下
至漢魏則有御史大夫敖司空隗吏部尚書愷攷
元和姓纂漢御史大夫廣阿侯任敖之後為
晉尚書任愷望系樂安博昌後漢書任光子隗章
和元年拜司空乃南陽宛人非任敖支派豈北海
所據譜系或有傳會耶祖辨鄆州司馬考盛資州

司馬直太史唐書地理志鄜州關內道鄜坊節度
管資州劔南道西川節度管職官志上州司馬太
史令並從五品下口州大都督府別駕專知和州
靈關兩道遊奕唐書地理志揚州大都督府督揚
滁常潤和宣歙七州靈關當即和州之東關王公
諱口忠諱下缺嗣字即王嗣忠也

拓本漫漶難辨茲據筠清館補八十七字正二
十六字不復瑣記

陸增祥志

張虔万造像銅碑

高二寸廣一寸范銅仿碑式碑陽鐫阿弥陀像碑陰
刻記六行行七八九字不等額題大唐二字並正書

天寶五載五月廿日上為皇帝下為一切蒼生又為七

代先亡今為見存父母敬造阿弥陀像一鋪佛弟子張虔万一心供養

翁方綱天寶造像銅碑歌 松石先生好奇古獲斯銅碑手為跋厥嗣小松环秘之首慮虛舟嗣君奪龜跌龍首背鼻鈕二寸之高八分濶其日辛未歲丙戌甲子壇初黃素達尔亦中間一蒼生同受空中靈響豁範銅為君復為親七寶旃檀表跣跼褚書陰符極蠅楷度人經亦窮毫末况乃大字鶴銘法要訣無多即鐙撥庸頭金粟神妙影珠髻晶屬蛟龍活中非填金乃古綠黝干髹漆豪光抹晉公洪福弥勒碑妙蹟同時祝香盞

韓況洪福寺彌勒像碑亦天寶五載

海枯石爛尔獨完

索雷輪語休聒馬城梅雪湖外風碧穗秋庵響松栝
何時聯句續段張金牒經如新手脫乾隆丁酉八月
張虔万造阿彌陀像銅碑向為黃小松司馬易所
藏翁學士作歌二百餘字細書寸紙薦碑剝竹簡
并貯之今歸常熟蔣伯生大令因培道光丁亥遇
伯生於嶺南出此拓本示因并翁詩錄之

振威副尉成君墓誌銘

石縱橫各一尺六寸二分十九行
行二十二字正書在陝西長安

唐故振威副尉左金吾衛新平郡宜祿府折衝都尉口
府君墓誌并序

赫赫宗周昔有天下今族命氏列乎千成公口口口口

口連 曾祖威 皇太中大夫禮部侍郎 祖立口口

口口散大夫趙郡懷陶縣令 父崇侃 皇朝議郎宣

口口口戶參軍於是克清門風乃敷政理脩厯中外口

口口口口以良家子屬 中宗孝和皇帝有事郊口

口口為口口授左羽林軍長上轉京兆府望苑府別將

左清道率府口候當警夜紫禁環衛 丹墀以事

一人方逾十祀無何調河東郡霍山府左果毅都尉左

金吾衛知隊仗使洛交郡龍交府彭源郡天固府加振

威副尉新平郡宜祿府左折衝都尉知隊仗如故加左

威庫使勒驍雄之勇烈虎豹之師守金帛之殿將出約

之怯公幼而習武長而主兵恭默其心堅白其操誠福

之善矣豈禍之淫矣遊疾弥旬終于咸陽別業然天寶
五載九月廿一日享壽五十有五以六載十月廿八日
葬於長安高陽原禮也銘曰

嗟嗟都尉三居其位

天階入侍

天府司使福善

無徵禍淫曷至且小植松柏乃高起龍墀非獨今日之
如然皆當萬古之所利

耐軒新獲此碑較比年所得稍大雖間有剝蝕而筆
致秀逸頗類褚河南惜未載書者名容當考之 庚

寅中秋青門李僕菰安氏題

行書三行
刻誌後

誌泐下方左角標題處自宜祿下缺七字以文驗之
當是宜祿府左折衝都尉其知為成府君者文叙姓

源有列乎千成句也

古志
石華

右墓志十九行行廿二字正書字徑五六分書法不甚惡然多草率漫漶不可辨之字志首標題一行下角闕夫七字不知其何姓而文之第一行下書名之處亦闕去惟其曾祖及祖父三世之名與官略具祖父之官皆不甚顯文有以良家子屬中宗孝和皇帝有事郊口之語攷唐書中宗紀景龍三年十一月有事於南郊其時正當武氏亂國之後朝政未靖宿衛禁嚴乃由被選入羽林軍供武職起家者也百官志言左右羽林軍有大將軍將其屬各有長上十人又東宮官有左右清道率府其屬有中候各二人則石

刻候上所闕一字當是中也志又言諸衛折衝都尉
府有折衝都尉一人左右果毅都尉各一人別將各
一人其下有隊正副隊正是別將下於果毅都尉果
毅都尉下於折衝都尉而兵志云太宗貞觀十年更
號統軍為折衝都尉別將為果毅都尉今據墓志先
言望苑府別將後言左果毅都尉則果毅都尉在別
將上之又一官且兵志明言置折衝都尉一人左右
果毅都尉各一人長史兵曹別將各一人見云別將
為果毅都尉之言誤也且官志於折衝府不言有長
史兵曹則長史兵曹豈後來汰去者耶兵志又言凡
天下十道置府六百三十四皆有名號而關內二百

六十有四皆以隸諸衛卽墓志所稱京兆府望苑府及河東郡霍山府洛交郡龍交府彭原郡天固府新平郡宜祿府皆是也以地理志攷之新平郡卽邠州有府十其一曰宜祿彭原郡卽甯州有府十一其一曰天固洛交郡卽鄜州有府十一其一曰龍交河東郡卽河中府有府三十三其一曰霍山惟京兆府無望苑府而鳳翔府卽扶風郡有府十三其一曰望苑蓋後來又移置也唐制十六衛以左右金吾衛為最重故六典言有大將軍將軍各一人而唐志於大將軍之上并有上將軍六典注云又置引駕三位六十人並於左右衛取明閑隊仗法用兼能糾彈事者充

分為五番上下仍於諸衛翊衛隊正內取五人為主帥蓋即墓志所云左金吾衛知隊仗是也又百官志有左右藏署言左藏有東西二庫朝堂庫及東都庫東都朝堂庫右藏有內外二庫東都庫開元十九年以監察御史二人蒞太倉左藏庫三院御史皆初領繁劇外府推事其後以殿中侍御史上一人為監太倉使第二人為左藏庫使又墓志所稱振威副尉者乃武散階從六品下以統兵外府武臣預京師金吾衛政事又兼殿中侍御史文臣之劇任其人必多幹略而有為者惜乎墓志雖志而姓名已不傳於後世是又何說哉此刻未見前人著錄有庸人題記於石

尾云道光庚寅新出當亦是關中古物故亟錄其文
以表之山泉館

按誌石下方缺姓名不具而歷官備詳郊祀推恩
以良家子授左羽林軍長上轉京兆府望苑府別
將□清道率府虞候調河東郡霍山府左果毅都
尉左金吾衛知隊仗□洛交郡龍交府彭原邵天
固府加振威副尉新平郡宜祿府□折衝都尉知
隊仗如故兼左藏庫使唐書中宗本紀神龍元年
九月壬子祀天地於明堂十一月壬午享於太廟
並賜文武官勲爵誌所稱中宗孝和皇帝有事郊
□郊下當為廟字本紀中宗謚孝和皇帝天寶十

三年加謚太和大聖大昭孝皇帝此誌勒石於天寶六載在加謚之前故稱孝和皇帝通鑑唐紀二十三至二十五皆題中宗大和大聖大昭孝皇帝而元宗紀天寶十三載二月癸酉享太廟上中宗謚曰孝和大聖大昭孝皇帝既殊新舊兩唐書且與本書中宗紀標題不合謚重孝字亦復不文以孝和為太和之誤而辨誤失載又代宗紀大厯十四年七月禮儀使吏部尚書顏真卿上言累聖謚號太廣請自中宗以上皆從初謚魯公文集請復七聖謚號狀高祖以下悉取初謚中宗為孝和皇帝兵部侍郎袁傖言陵廟玉冊木主皆已刊勒不

可輕改事遂寢不知陵中玉冊所刻乃初謚也唐書百官志十六衛左右羽林軍長上各十人左右金吾即隋左右候衛顯慶五年改左右金吾衛諸衛折衝都尉府每府折衝都尉一人上府正四品上中府從四品下下府正五品下左右果毅都尉各一人上府從五品下中府正六品上下府正六品下別將各一人上府正七品下中府從七品上下府從七品下諸衛折衝果毅別將擇有行者為展仗押官即此誌所云知隊仗是也又有左右清道率府左右虞候神龍元年改左右清道衛曰左右虞候率府開元初左右虞候率府復曰左右清

道率府又左藏署令掌錢帛襍綵天下賦調卿及御史監閔開元中以殿中侍御史為監左藏庫使此以武衛得兼蓋出與數望苑霍山龍交天固宜祿諸府皆軍府也唐書地理志河東道河中府河東郡有府三十三曰霍山關內道鄜州洛交郡有府十一曰龍交鄜州彭原郡有府十一曰天固邠州新平郡有府十曰宜祿與墓誌並同惟地理志關內道京兆府京兆郡有府百三十一不載望苑鳳翔府扶風郡十三府內有望苑以此誌證之望苑府兵本隸京兆不知何時改隸扶風也兵志府兵之制起自西魏後周而備於隋唐興因之天下

十道置府六百三十四皆有名號凡府三等兵千二百人為上千人為中八百人為下廩陶河北道趙州趙郡屬縣天寶元年更名雷晉亦見地理志高陽原宋敏求長安志在縣西南二十里此石道光九年出土十三年春顧米脂鶴寄粵

房渙翠峰亭記

高二尺廣三尺七寸十八行行九字正書在陝西畧陽城東十五里大石岐壁上磨崖

我皇帝道高前聖德邁三皇天下晏然四方無事朝廷清謐常思蹈舞之儀 宮苑歡娛每賜春遊之賞 天恩廣脩錫賚見霑旬日飛觴求諸勝地武興泉石觸目驚人况卜良遊自口奇絕順政遊勝郡南十里山障重

複石壁千雲淥水澄灣清冷見底崗巒掩映葱翠難名
雖王羲之蘭亭未足云比石季倫金谷豈可同年渙
叨忝專城常霑宴賞同諸英佐口盡歡遊天寶八載
三月二十日口口房渙自書

翠峰亭銘

萃編
己載

右記一百五十二字房渙撰書刊泐四字宮苑作
宮苑與天恩皆間一字谷及專城亦間一字避石
泐也銘六十二字刊泐十四字撰銘為太原王口
當是繼房渙守郡者按唐書地理志興州順政縣
太平寰宇記唐立興州以武興山取名記云武興
泉石銘云守武興郡四境山嶙峋即今大石峽是

署陽縣志載翠峰亭而不及一刻王君森文署署

陽縣事訪得之

萃編僅載銘詞標題云房史君題記蓋未見前記故有此誤銘者王口非房史君也陸增祥志

王屋山劉若水碑銘

碑高四尺五寸廣二尺六寸二十八行行四十三字行書在河南濟源縣

大唐王屋山仙人

上魚行河口縣主簿口德撰

以上殘缺故靈昌郡太守息翟頤書

道本無名名生於物用聖本無跡跡著於教存夫惟學無所學能明自然理盡乎妙有矣夫惟得無所得能知合變心處乎至虛矣以此進為而混俗功大名揚而衆

仰以此退居而閑遊江海山林之士伏其孰謂也

尊師有焉

尊師諱若水字齊物彭城人也曾祖皇

隨任洺州司戶叅軍才器過人德行殊衆祖楚皇任房

州上庸縣丞詩書博覽文詞宏達父問養志丘園優遊

卒歲

尊師幼而敦敏性與中和真相霞舒仙骨嶽

立年十三神龍中有

勅度人誦經入

道配璿

臺觀既慕神仙之術旋作率真之遊遂詣中岳 韓尊

師受洞神經法便居勞盛山五載保其道也至開元

初又詣東岳 任尊師受洞元中盟八景之要便居秦

山日觀臺十載已外物矣時遇茅山 任尊師遊山見

而異之曰此 道寶也遂授以靈飛六甲谿落七元八

錄秘文大洞真要仍傳養生隱訣自後却粒服餌吐故
納新人自而天乎又詣恒山居大光焰峯三載至如九
丹秘要三洞神法皆成誦在心如示諸掌至開原脫廿
四載道門威儀使奉玉真公主教請詣中岳

興唐觀校之經錄道高物外臨寓寰中聲聞于

天名著非我至天寶三載有

詔尊師德

行純和尤精科戒請住西岳雲臺觀上方太清宮至五
載靈昌郡道衆等竭誠勤請願傳法要乃言曰齋心潔
行以祈利益道不凝滯今在流通遂於瑤臺觀壇場
廣闢天地肅清授真一經法金人王檢始以要
盟龍章鳳篆終焉授與道衆謝恩建黃籙齋以

祈靈應其時白鶴繞壇綵雲浮座祥風肅起異香遠聞
見者咸言 尊師精誠所感也至六載 玉真公主

已捨館陶之封卜居平陽之洞以為常娥餌藥乘兔輪
以長生羸女吹簫登鳳樓而人壽遂於仙人臺下建立
山居既饒靈跡復多仙草有 教安置旌至德也七載
又□□ 教東京 睿宗大聖真觀奉

勅脩□理藉清高副 國誠命初□□ 道至于□

功□儀設而□□法事行而儼若爐煙晝起瑞色氤氲
燈炬夜開祥光喻赫都城士女觀者霧集莫不讚歎稱
未曾有至八載太歲己丑 尊師時年五十有七閏
六月廿三日□疾忽云吾奉入 道志求出世所望乘

雲御鶴白日升

天今上靈有命我欲辭去顧謂

諸弟子曰方生方死方死方生一理汝勿憂也是日申時復有異香入院左右莫不聞者至夜半寢於靜室奄然而絕當其父暑容色鮮輝手足柔和一無改變門人號蹕行路傷嗟以為尊師歿世而尸解矣以

七月十七遷於尚書谷之東阜禮也嗟乎時則變易物難長久彼堅者石可以刻彫彼言者文可以傳示匪文匪石後何觀焉有弟道士曰齊莊鷁原永懷式昭至德銘曰

天長地久兮物則虧盈陰化陽施兮有衰有榮達士所以肥遁居貞得道可以齊乎死生吾師仙化兮

神遊上清府兮寥兮不知其名千秋萬歲仙臺之下蕭蕭唯有松風之聲

天寶十一載歲次壬辰二月己酉朔廿八日景子建

檢校覆鑿字庭劉元覺九字隸書

刻石人李崇綯

按王屋山劉尊師碑銘劉齊莊文翟顯書齊莊即尊師之弟亦為道士翟乃故靈昌太守之子唐滑州靈昌郡武德初置州天寶初改郡屬河南道鄭滑節度使即今滑縣地唐人碑刻有蒙父官結銜者如偽周長安三年尚直博墳銘題曰廬州巢縣令息尚君之銘尚為後人所題翟則自叙皆一例

也唐濟源王屋二縣並屬懷州

元省王屋入濟源明屬懷慶府

國朝與滑州毗壤靈昌道眾素奉教法因屬故太守之息就近書碑其書法工妙與顏平原徐季海並時而不為所掩惜剝落大半予得舊拓本錄之尚為完備惟第一行僅上截大唐王屋四字第二行僅下截故靈昌郡太守息翟顒書十字可辨矣孫因訪碑錄有靈都觀□尊師碑翟顒行書天寶十載二月又有王屋山劉尊師碑齊莊文翟□行書天寶十一載二月蓋一碑而誤析為二其定為靈都觀者從天寶二年張尊師碑補入知為劉尊師者以碑末有姪劉元覺而增翟顒作翟顒十一

載作十載皆以碑文剝蝕而誤其實止一碑也餘
詳張尊師探元遺烈碑跋尾

首行山仙人湖魚行河口縣主簿口德撰及文

中缺字諱字均據筠清館補正陸增祥志

張元忠妻令狐氏墓誌

石縱橫各一片九寸二十行行
二十字行書在陝西長安縣

唐故銀青光祿大夫行內侍員外置同正員上柱國張
公夫人鴈門郡夫人令狐氏墓誌銘并序

惟天寶十有二載十一月四日夫人卒於京兆府殖業
里之私第嗚呼時載六十有三若夫人之姓裔自平太
原處嬪于室凡廿載矣夫人進對工繡以備於賓祭

先祖恭具於膏澤已之以容艱不以悅已怡色事上撫
下允穆謙和愛子如生育人無怨夫張公諱元忠任太
中大夫賜邑為鴈門郡君後進銀青光祿大夫遂加号
為鴈門郡夫人也不意回由運改福謝緣疎夫去天寶
九載五月十三日卒於河南府里之第宅次載就塋于
京地府三原縣之分界自阻已後念趣來緣每弘慈悲
常思不忘以夫先偶同事幽泉又歲月無良遂別塋壤
眾子未窆莫能再榮嗚呼人道所悲傷矣以今載十二
月四日遷殯於京地府長安縣龍首鄉之原也代移世
久墳壠摧殘刻石為銘媿叙夫人之德銘曰

食邑之家

捨於珠璣

簪纓之族

衣無重綵

六行所脩

四德兼載

謹慎閨門

善音無壞

太山南指

渭水東邁

歲月蒼蒼

記之永代

此誌無書者姓名驗其筆迹與張希古誌絕似亦鴈門田穎書也夫人夫元忠食邑鴈門希古食邑馬邑皆在今山西大同府穎籍其地故為書誌二張蓋族人也誌中貌作狠怨作惡自阻以後阻當作殂宦作宦善作善摧作權代易世久世字不避太宗諱闕筆去天寶九載去當作以然唐誌以去作以字用者甚多僧思道誌云去至德二載春秋八十有一解進誌云去元和四年三月四日疾終尹澄妻朱氏誌云去

開成四年告終于私第皆是如此蓋當時習俗相沿有此用法也

古誌石華

按鴈門郡夫人令狐氏乃內侍張元忠妻元忠先有偶令狐其繼室也唐時內侍皆有室史稱高力士娶呂元晤女李輔國娶元擢女其見於碑志者有吳文妻李氏李輔光妻輔氏王守琦妻張氏謝氏與夫別塋而銘墓者創見於此銘曰太山南指太山即太華山也垂拱元年武后避祖諱改華州為太州華陰縣為仙掌

見元和縣志

後雖復舊俗尚相

沿故稱華山為太山耳

怡亭銘

裴本石高廣及行字
不計在湖北武昌縣

怡亭 裴鷗卜而亭之李陽冰名而篆之裴虬美而銘

之曰以上二十
二字篆書

崢嶸怡亭磐礴江汀勢壓西塞氣涵東溟風雲自生日
月旰經衆木成幄羣山佻屏願余逃世於此忘形

永泰元乙巳歲夏五月十一日隴西李莒以上五
十六字八分

書

怡亭在武昌江水中小島上武昌人謂其地為吳王
散花灘亭裴鷗造李陽冰名而篆之裴虬銘李莒八
分書刺于島石常為江水所沒故世亦罕傳鷗不知
何人虬代宗時道州刺史韓愈為其子復墓志云虬

為諫議大夫有寵代宗朝屢諫諍數命以官多辭不拜然唐史不見其事李莒華弟也

集古錄

第一千三百九十五唐怡亭銘裴虬撰李莒八分書

李陽冰篆永泰元年五月

金石錄目

怡亭在殊亭東唐裴鷗作宋蔣之奇云怡亭銘刻於江濱巨石之上乃唐李陽冰篆李莒八分書裴虬為之銘世謂三絕

明一統志

銘在武昌縣江中洲嶼間夏秋水漲則沒於水廣韻裴姓伯益之後封於豳因以為氏後徙封解邑乃去邑從衣此碑裴一從衣一從邑兩字通用也末題永泰元乙巳歲不云元年者歲年同物省文互見也

案年

字當是偶脫裴虬字深源大厯四年為著作郎兼侍
御史道州刺史杜子美集有次湘江宴餞裴二端公
詩即虬也

潛研堂金石文跋尾

集古錄云亭在武昌江中小島上銘刻於島石常為
江水所沒故世亦罕傳宜乎知之者少也此銘集古
錄外它家皆未見收錄唯楊用修墨池瑣錄云李陽
冰庶子泉銘怡亭刻石二世之詔不是過也則此銘
似為用修所賞而所輯金石古文亦不之載何也說
文裴翬俱薄回切裴衣長兒翬河東聞喜縣姓氏字
本當作翬今經典相承皆借裴此更兼用之

吳玉搢金石存

案唐書宰相世系表裴鷗裴虬皆御史中丞曠之子

鷗官容州長史虬官諫議大夫李莒為隴西李氏工部郎中舒之子李華為趙郡李氏典設郎恕已之子集古錄謂莒華弟也誤矣

筠清館金石記

右篆刻前篆書六行行四字字長三寸四五分後隸書五行行八字又三行皆低一字字徑寸二三分末行下有小隸書四字似是刻工姓名上二字已浸滅在湖北武昌縣据文知怡亭為裴鷗所築李陽冰為名曰怡亭并篆此二十二字其銘又為裴虬所作而李莒別以八分書之一刻而分篆隸又為四人之事皆所罕見亦文人好奇之病也外舅潛研堂跋尾云在江中洲嶼間夏秋江漲則沒於水故拓本稍難得

王象之輿地碑目亦遺之裴虬字深源大歷四年為著作郎兼侍御史道州刺史杜子美集有次湘江宴餞裴二端公赴道州詩即虬也中溶案此刻歐公有跋云怡亭在武昌江中小島上武昌人謂其地為吳王花灘銘刻於島石常為江水所沒故世亦罕傳鷗不知何人虬代宗時道州刺史韓愈為其子復墓志云虬為諫議大夫有寵代宗朝屢諫諍數命以官多辭不拜然唐史不見其事李莒華弟也予攷昌黎裴復墓志言曾大父元簡大理正大父曠御史中丞父虬諫議大夫以唐書宰相世系表證之乃洗馬裴氏天壽之後也御史中丞曠有四子長曰鷗

南監本容誤鷗

州長史次曰虬諫議大夫虬子復河南少尹皆與墓志合而以杜子美詩題稱虬為裴二證之則鷗即虬之兄也歐公偶未細攷耳侍御史官從六品諫議大夫則正四品當是其後來遷轉之官也又攷李華見唐書文藝傳而傳不言其弟莒以史表證之華為趙郡李氏太沖之曾孫而並無弟及莒名又攷隴西李氏德宗朝相西平郡王晟表內亦無莒名者而別有武后時相道廣一表言其乃漢李陵之裔歸魏賜姓為丙其後有唐左監門大將軍燦高祖與之有舊以避世祖名賜姓李氏則道廣之第三世正名莒疑即此書銘之人也李氏以隴西為著望故莒亦自稱其

郡為隴西耳獨表何以於趙郡後華下並不載華名而華傳亦不言有莒若舍傳與表又何以知莒為華弟皆可疑者也豈傳為宋景文所撰或有脫漏豈歐公表內本有莒後人因華傳無莒因去之據表所列華與莒本屬兩宗但歐公所謂華弟者蓋當時聯為同姓而華齒大於莒乃以弟呼之故華傳不載耳

古泉

山館金
石文編

鐵元始像讚

高三尺五寸廣五尺二寸前刻鐵元始讚後刻承天
軍帳記並行書讚序八行行三十一字至三十四字
不等在山西平定州東北九
十里娘子關坡底老君廟內

鐵元始讚并序

潛丘道士胡伯成

道者一氣元二儀始寂兮無為之理其形也從本降迹
拯拔生靈則有臣部 聖容焉天尊仙衛焉有若
河東節度兵馬使開府儀同三司張公英果絕倫宏略
冠代志清 國難戍此累霜初則環山作城班輪望之
息計終乃弘道佐 主有苗於焉來格遂銳精足
巧範鐵柱金煙霏霞鏡寫河目仙聖之臣斯覩無俟
射山肆觀之禮獲申不殊台嶺則知 公之守則固戰
常剋皆慈衛之力也雖勿受福人神其捨諸成忝罔門
畢卿敢忘讚述銘曰
大羅虛 皇号元始陶冶軋坤度生死 張公範金列
于此保 國固家千萬祀

按此讚及承天軍城記皆道士胡伯成為河東節度兵馬使張奉璋所作平定州志失載金石家亦未錄也

筠清館潛作清四獲申作權申殆誤

陸增祥志

承天軍城記

高廣詳鐵元始像贊此刻讚後行書三十三行行三十字至三十三字不等石缺下方右角在山西平定州

承天軍城記

道士胡伯成

易稱設險詩曰干城蓋陳述公侯藩扞王室者也晉東
東山井陘者昔淮陰伐趙之路控天作險蹙地成隘一
矢奮守可以當萬皇六禁賊臣惣燕師者師漁陽雜

虜踰盟津突函谷有切天下之志時元戎薊公慮侵軼
于我乃申命 開府張公奉璋嚴戎式過 公謀包百
勝雄入九城名悍赫大戎容仿髣麟閣既至登鸛鵲洪
中頂四顧而嘆曰敵在吾目中矣束其口扼其喉若茲
乎遂度地勢籠山鐵谷築登、削馮、未浹辰而畢其
繚崇牖于巖半百雉雲矗冠小城於峯巔万仞天削設
以樓櫓實以軍府鐵騎千疋虜賁万計旗拂霄紅甲曜
日白於是明之以斥候嚴之以賞罰使夫見可而出逐
彼者易於轉圜知難而守攻我者難於上天則雖雲梯
百地道千班輪再生莫吾及矣其設石也星落乎九天
之上伐鼓也雷鬩乎六虛之表飲馬也潯池可吸而竭

奮力也常山可踏而倒豈止睥食負荆屋振瓦飛而已
哉城成 帝嘉之錫号承天信承於天也 公又於黃
沙口築德化城示懷也慕容隘築滅胡城示威也復聯
建三堡絕細逕也由是南北千里東西兩鄉飛禽走獸
不得橫絕矣白祿山首逆思明繼乱雖中原側擾而晉
陽無東顧之憂以此豈與夫楚池漢水剪起有一葦之
航秦城華山劉項無橫草之閑所以祆氛日淨我功益
崇 國步日清臣官益大故先太尉李公司空王公御
史大夫管公鄧公今 相國辛公皆伊吕之倫也咸表
上聞累遷河東節度兵馬使開府儀同三司答洪勲矣
君子曰宜哉方將運陶鈞秉旄鉞圉止贊三軍鎮一面

而已況此城隣子房之古戍借箸可追接妒女之靈泉
洗兵非遠曉窺溟渤將日觀而齊高俯視雲霞引赤城
而共色不唯禦寇之所兼亦棲真之地也 大使特進
太常卿上柱國南陽縣開國子食邑一千二百戶張奉
忠管樂□副使特進太常卿太原縣開國子王丕副使
卽度經略副使□□雲麾將軍守左金吾衛大將軍試
鴻臚卿上柱國陳遵嶠杞梓□游弈副使同討擊副使
特進試鴻臚卿濮陽縣開國子上柱國吳庭珪營田副
使游擊將軍守左金吾衛大將軍上柱國張如珪防城
副使光祿大夫試光祿卿上柱國廉明都虞候宣威將
軍守左金吾衛大將軍兼試少府監上柱國孫希晏將

雲麾將軍守左金吾衛大將軍兼試衛尉卿上柱國步
光庭將雲麾將軍守左金吾衛大將軍兼試光祿卿上
柱國張鷟子將雲麾將軍守金吾衛大將軍兼試光祿
卿上柱國武懷進將雲麾將軍守左金吾衛大將軍兼
試衛尉卿上柱國劉浩將之遂將軍守左金吾衛大將
軍試光祿卿上柱國王引將雲麾將軍守左金吾衛大
將軍兼試少府監上柱國聶庭賓將雲麾將軍守左金
吾衛大將軍兼下缺守左金吾衛將軍試少府監上
柱國竇龍興將同缺上柱國步元弼押衙寧遠將軍守
左金吾衛將軍同缺美口茂功僉須刻石成狂簡者耳
自公之事下缺

大厯元年丙午之歲

下

按此記張奉璋築承天軍城以脩安史之亂也唐
自高祖至元宗不數武后故云六葉賊臣惣燕師
者謂祿山也唐書叛臣傳至德二載史思明與蔡
希德高秀巖合兵十萬攻太原李光弼使部將張
奉璋以兵守故關光弼父楷洛薊郡公光弼襲封
故云元戎薊公時為河東節度上元元年加太尉
兼中書令故又云太尉李公也司空王公王思禮
也御史大夫管公鄧公管崇嗣鄧景山也相國辛
公辛雲京也宰相表上元元年閏四月河東節度
副大使王思禮為司空鄧景山傳王思禮在太原

儲賡羸衍卒管崇嗣代之數月以景山為太原尹
辛雲京傳太原軍亂帝惡鄧景山繩下無漸以雲
京性沈毅授太原尹數年大治加檢校尚書右僕
射同中書門下平章事自光弼而後凡節度河東
者皆表薦奉璋故得累遷是職張奉忠以下未能
悉考也平定州志綿山在州東北九十里娘子關
唐建承天軍地當井陘西南為戰國以來攻守要
隘自奉璋築承天城於此至今山曰承天山都曰
承天都也以諸史證之唐穆宗長慶元年裴度將
兵出承天軍故關以討王庭湊昭宗光化二年朱
全忠遣葛從周自土門攻河東拔承天軍天復元

年朱全忠別將白奉國會成德軍白井陘入拔承
天軍梁開平五年趙王王鎔會晉王李存勖於承
天軍漢天福二年成承天軍契丹襲擊之成兵潰
焚其市邑葉仁魯將步騎大破契丹復取承天軍
皆即此地戰壘猶存誠用武之險塞矣通鑑二百
四十二胡氏注承天軍當在遼州界故關即孃子
關宋廢遼州以平城和順二縣為鎮以并州之樂
平平定二縣為平定軍二鎮屬焉以承天軍為寨
屬平定縣平定唐之廣陽縣宋白曰承天軍大原
東鄙土門路所衝也鶴鵲洪不詳所在或以鵲山
當之山在州治西北五里因上有扁鵲廟故名非

其地也。潯池即潯沱。山海經大戲之山。潯沱之水出焉。在今代州繁峙縣東。流經定州深澤縣東南。即光武所度處。周禮潯池禮記作惡池。戰國策後漢書作呼沱。山海經作潯沱。詛楚文作惡駝。此碑作潯池。音義並同。常山今正定府。皆與承天接壤。黃沙路即黃沙嶺。在平定東南山谷表延六十餘里。亦與承天相近。慕容隘則未能確指何地也。記為胡伯成撰。而平定州志藝文載作李誣。承天寨記妄為改竄。割截皇六葉訛作開皇大業。尤為可笑。新都曹君承彬拓此見示。因為考證。以俟纂方志者採焉。

少林寺同光塔銘

高一尺四寸九分寬三尺二寸二分三十八行前二行後四行字數不拘餘每行十七字字徑七分正書在河南登封縣

唐少林寺

同光禪師塔銘

并序

登封縣令郭湜撰

當寺大德靈運書

嘗聞示現有緣緣隨生滅色空無性性盡真如契之者即為導師了之者如登已覺契了之義其在我禪師歟
禪師法諱同光晉人也道心天縱法性生知俯及幼童已悟无為之理纔過弱冠便歸不二之門早歲出家旋進具戒以脩行之大莫大於律儀究竟之心須終於禪寂禪律之道其在斯乎及持鉢東山歸心禪祖大

照屢蒙授記許為人師及大照還神啟終恒禮乃遁跡
林野敢為人先雖情發於衷而聲聞於外辭不獲已乃
演大法義開大法門二十餘年振動中外徃師授業不
可勝言三十餘禪僧盡了心地隨身化度不離几杖或
往來嵩少棲息荆蠻用大自在之深心開悟知見行不
思議之密行拯拔昏迷不可得而名言也則知法輪常
轉經行豈指於一方佛法現前宴坐寧勞於十劫嗚呼
禪師嗚呼禪師既隨緣而生亦隨緣而滅春秋七十有
一僧臘四十有五以大厠五年六月二十七日於少林
寺禪院結跏趺坐怡然即瞑弟子等心傳衣鉢得了
義於无生瀆盡泥洹示現存之有相乃於寺東北六十

餘步列時松檟建茲塔席蒼蒼煙雲以永終古湜在俗
弟子也叨承顧盼之餘未盡平生之志多慙翰墨有媿
荒蕪乃為銘曰

世尊滅度後得道轉法輪于今無量劫不知凡幾人禪
師自河汾杖錫來問道禪師為授記可以繼僧寶三身
與三業如電亦如露生滅既有緣輪迴自無數唯有成
道者□入諸禪之外現泡幻身內示真如性一切漏已
盡無復諸□惱過去與未來皆共成佛道太室而弓少
室東風雨交兮天地中禪師一去不復返長夜冥冥空
是空

大曆六年歲次辛亥六月景辰朔廿七日壬午建

造塔弟子寺主僧惟濟 上座曇則 傳法弟子道真

堅照 真觀 寶藏 法琳 智信 承恩 忠順

超岸 深信等

返州金明府別將屈集臣鵠 造塔博士宋

玉

新唐書地理志延州延安郡中都督府有府七
敦化延川圍戎因城塞門延安金明百官志諸
衛折衝都尉府每府折衝都尉一人左右果毅
都尉各一人別將各一人上府正七品下中府
從七品上下府從七品下又云貞觀十年改統
軍府曰折衝都尉別將曰果毅都尉三輔及近

畿州都督府皆置府凡六百三十三永徽中廢
長史置司馬一人聖歷元年廢司馬置長史兵
曹參軍又有別將一人從六品下居果毅都尉
之次其後分左右各一人尋廢久之復置一人
降其品開元中諸衛折衝果毅別將擇有行者
為展仗押官此云金明府別將屈集臣案碑立
於大厠六年在開元以後屈集臣有行者也其
品從七下延州乃中府也又案百官志除太常
寺國子監皆設博士外司天監有天文博士下
厠博士漏刻博士內寺省有宮教博士內教博
士大樂署有音聲博士第一曹博士第二曹博

士太醫署有醫博士針博士按摩博士咒禁博士太卜署有卜正博士皆以博士名官崇園署又有崇園學博士一人此碑云造塔博士殆僧官之屬有是名目邪抑造塔之宋玉職居博士邪不可攷矣靈迅書與化度寺碑相似亦方外之傑出者

陸增祥志

妬神碑

高六尺五寸廣三尺五寸前刻序頌二十四行行五十二字後列職名七行行三十九字行書在山西平定州東北九十里娘子關介之推廟

妬神頌

判官游擊將軍守左情道率府率賜紫金魚袋上柱

國李謹撰

粵若稽古徵諸陳迹雖年移代謝而損益昭然是以宋
玉高唐之辭盛傳於南國曹王洛神之賦永播於東周
莫不事載圖書名標史策晉東之美者有妒水之祠焉
其神周代之女介推之妹初文公出國介推從行有割
股之恩無寸祿之惠誓將畢命肯顧微軀儀形飄殞於
口煙名跡庶幾於不朽後縱深悔前路難追因為滅燭
之辰更号清明之節妹以兄涉要主身非令終遂於冬
至之後日積一薪烈火焚之口其易俗諺云百日斫柴
一日燒此之謂也闔境之內疇敢不恭順之則風雨應
期違之則雷雹傷物兄則運心以求合我則處室以全

真兄則禁火以示誠我則焚柴以見志惟兄及妹與世殊倫傳曰介之推終不言祿祿亦不及渾天記曰著寒食者為助陽氣用厭火星所說不同互有得失其來遠矣安可闕如綬因事之宜亦自我作古祭法曰其有廢之莫敢舉也其有舉之莫敢廢也東北至土門之口西南距盤石之山方圓百里別成一境天寶中以賊臣背化國步猶艱塗炭生靈焚燒甲第伊我遺廟歸然獨存簪裾近叶於當時庭宇更新於往日性惟孤直慮見授於妬名行本堅貞實堪垂於口祀今幸邊塵不動海水無波戴爾小戎曷足為患昔虞舜至聖尚有苗人之誅殷湯至明豈無葛伯之伐盖以君為元首臣作股

肱飄飄轅門藩屏王室乃命河東節度副大使兼工
部尚書太原尹北京留守薛公諱兼訓警此禁闔
公掌握衡鏡心韞韜鈴勢若轉規謀如泉湧運籌帷幄
孫吳詎可比其能料敵戎旃衛霍不旦方其妙浙江遠
爰但美還珠汾浦來蘇惟欣去鯀申命我承天軍使
節度副使前永平軍節度右廂兵馬使銀青光祿大夫
試鴻臚卿同山南東道節度經略副使上柱國党公諱
昇鎮茲巨防公天子忠臣元戎外聲志惟清而惟
謹行不誦而不驕往往清臺職居惣統近歸奉道位處
專城接膝之義遠聞扶輿之情久著爰自至以星管再
周路不拾遺人皆樂業長筵繼日士忘其勞細柳垂陰

衆歌其美水碾成而永逸聚米難傳軍井達而少閑伏
波不竭 君依神以傲福神依君以庇躬事勢相因理
亦條貫固宜書其已往播於將來貞石既磨斯文可作
尔其泉湧祠下蓄為碧潭飛入大河噴成瀑布崩濤掣
潏雜雷霆之聲盪雲汭日賴風水之會經沍寒而氣蒸
萬象燄炎煥而清潤一川灌木扶疎引柔條而接影纖
苗羅靡夾高岸而隨風自古及今非軍則縣未嘗不揆
月撰日脩其享禮春祈秋賽庶乎年登巫覡進而神之
聽之官寮拜而或俯或仰既而坎坎伐鼓五音於是克
諧峩峩側弁三軍以之相悅 公之德也如此神之應
也如彼且河北數州山西一道或衣以錦繡或奠以珎

羞無晝夜而息焉豈翰墨之能論咸以商者求之而獲
利仕者禱之而累遷蠶者請之而廣收農者祈之而多
稔不然則奚能遠迓奔湊奉其如在蓋聞有而不言謂
之隱無而言之謂之誼又聞誇目者尚奢慙心者貴當
承命述事敢不勉旃謹因退食之餘竊比陳其梗槩
也銘曰 凡有異行宗之曰神匪害於物寔利於人兄
則禁火妹乃積薪共為佳節在乎芳春今古千齡方圓
百里德音無斃蒸嘗不已祭具珍羞服先錦綺所求必
應高山仰止 將軍塞下細柳營邊晴開朝鏡霧雜鑑
煙神理昭昭靈草芊芊紀茲令範光我承天井陞西南
太原東北妬祠之水澹為黛色跳波噴浪如有可則古

往今來源流不忒興雲致雨侔造化方顒顒昂昂象
君之德或祈或禱永無休息神之歆之福善寧極
大唐大厯十一年歲次丙辰五月丁亥朔十六日壬寅
已時建

副使同經略副使特進試鴻臚卿上柱國廉明遊奕副
使雲麾將軍守左金吾衛大將軍試衛尉卿上柱國少
光庭都虞侯冠軍大將軍守左金吾衛大將軍試太常
卿上柱國王曇將太常卿揚進朝光祿卿張鸞太常卿
聶庭賓散將衛尉卿劉浩太常卿馬崇俊太常卿崔元
英太常卿蔡希豚太常卿梁昱鴻臚卿巨超俊殿中監
葛日新判官節度逐要官涼王府司馬許勉左武衛將

軍郭崇雋左武衛翊府中郎將辟閭珣孔目官太常卿
張崇玕節度隨身官右翊府中郎將燕潤國副將太常
卿孟大津太常卿曹寵興太原府豐州府折衝郭季膺
衙官代州別駕姚庭秀左清道率劉廣成摠管大常卿
□□僧左金吾衛大將軍竇光超左武衛翊府中郎將
陳洽

元和郡縣志妒女祠在廣陽縣東北九十里澤發水
源澤發水亦名妒女泉源出縣東北董卓壘東其泉
初出大如車輪水色青碧泉旁有祠土人祀之婦人
袷服靚妝必興雨電故曰妒女即此神也碑云妒祠
之水澹為黛色所謂水色青碧者也後題大歷十一

年歲次丙辰朱錫鬯跋以為十三年者因碑石微損而誤讀爾碑云河東節度副大使兼工部尚書太原尹北京留守薛公兼訓兼訓以大厯五年鎮太原十一年冬以病去鮑防代之碑立於是年五月兼訓猶在鎮也

潛研堂金石錄

魏書地形志石艾縣有妒女泉及祠即此唐書宰相世系表李諲鄆州司功參軍

平津讀碑記

按任昉述異記并州妒女泉婦人不得覩粧綵服至其地必興雲雨唐書狄仁傑傳高宗幸汾陽宮仁傑為支頓使并州長史李冲元以道出妒女祠俗言盛服過者致風雷之變更發卒數萬改馳道

仁傑曰天子之行風伯清塵雨師灑道何妒女避
耶止其役郡國志以妒女為介之推之妹今妒女
祠介子廟並在平定州東北九十里娘子關澤發
水上唐建承天軍城故其山亦名承天山俗以為
綿山者因介推傳會娘子關即古葦澤城相傳以
妒女得名固近穿鑿平定志謂唐平陽公主駐兵
於此亦涉牽合唐書本傳平陽昭公主下嫁柴紹
高祖兵興主居長安紹走并州主奔鄆招南山亡
命數百人以應帝因畧地蓋屋武功始平下之勒
兵七萬威振關中帝渡河紹以數百騎來迎主引
精兵萬人與秦王會渭北紹及主對置幕府分定

京師號娘子軍無駐兵晉東之事州志未見此碑
藝文所錄輾轉謗舛得此正之益見古刻之有功
於方志也

平蠻碑

表本高廣行字不計隸書字徑三寸六分額題平蠻
碑三字篆書徑尺在廣西桂林府城北鎮南峯摩崖

平蠻頌并序

□□郎守尚書禮部郎中上柱國韓雲卿撰

□議郎守梁州都督府長史武陽縣開國男翰林待

詔韓秀實書

□□□□李陽冰篆額

維大厯十二年桂林象郡之外有西原賊率潘長安偽

稱安南王誘脅夷蠻連跨州邑鼠伏蟻聚賊害平人南
距離題交趾西控昆明夜郎北泊黔巫衡湘彌亘萬里
流毒如彼其廣

天子命我隴西縣男昌巖領桂州都督兼御史中丞
持節招討斬首二百餘級擒獲元惡並其下將八十四
人生獻闕下其餘逼逐俘虜二十餘萬並給耕牛種糧
令還舊居統外一十八州守牧羈縻反覆厯代不賓皆
授首請罪願為臣妾嘉其自新俾守厥舊商農漁樵各
復其業悼耄鰥寡各安其宅變氛沴為陽煦化險阻為
夷途五嶺之人若出元泉而觀白日如蹈烈火而蒙寒
氷書上聞優詔嘉焉公卿百辟將校耆艾咸願歌

頌勲以銘於石辭曰

皇帝即位十有五載

淳風橫流聲教無外蠢茲蠻貊

肆其蜂蠆恃遠怙險為人蠹賊

爰命隴西授節討綏訓

我師徒如熊如羆卷旂釋甲先喻德澤稔惡弗懲含蠆

弗息矯、隴西礪爾矛鋌鼓奮重泉兵揚九天出其不

意億萬踣顛來者面縛亡者染鋸搜洞索口覆其巢穴

若鼓洪爐燎彼毛毳若振飄風摧乎朽脆海宇濛二再

開天光俾稷作和化戎為農三軍卧鼓四鄙罷柝原野

蕭條萬里澄廓

明主是嘉罷人是康銘之嶺門用

垂無疆

大唐大曆十二年口月二十五日口

西原蠻在唐為患久矣自肅宗至德以來百餘年間
諸蠻更相雄長乍服乍叛攻桂管一十八州所至焚
掠元道州所謂城池井邑但生荒草登高極望不見
人煙蓋寶錄也此碑序昌巖勲烈如此之著其列傳
偶闕而不書歐趙集金石文又不得此碑入錄鄉非
事著於碑而碑錄於余其遂無聞矣寶刻叢編

右平蠻頌摩崖韓雲卿撰韓秀實書雲卿為文公叔
父官尚書禮部郎中父叡素桂州刺史見唐書宰相
世系表秀實為翰林善楷隸八分見書史會要案代
宗紀大曆八年九月以辰錦觀察使李昌巖為桂州
刺史防禦觀察使至是蓋莅官之五年也鄭氏通志

金石畧唐平蠻頌韓秀實八分書即此刻潘長安稱
安南王事唐書通鑑皆不載惟南蠻傳大厯中以潘
歸國部落置龍武州歸國蓋長安之族

廣西通志金石畧

懷素白叙石刻

草書在湖南零陵縣

懷素家長沙幼而事佛經禪之暇頗好筆翰然恨未能
逮觀古人之奇迹所見甚淺遂擔笻杖錫西遊上國謁
見當代名公錯綜其事遺編絕簡往往遇之豁然心胸
略無疑滯魚箋素絹多所點塵士大夫不以為怪焉顏
刑部書家者流精極筆法水鏡之辨許在末行又以尚
書司勳郎盧象小宗伯張正言曾為歌詩叙之曰開士

懷素僧中之英氣概通疎性靈豁暢精心草聖積有歲時江嶺之間其名大著故吏部侍郎韋公陟觀其筆力助以有成今禮部侍郎張公謂賞其不羈引以游處氣好事者同作歌以贊之動盈卷軸夫草藁之作起於漢代杜度崔瑗始以妙聞殆乎伯英尤擅其美義獻茲降虞陸相承口訣手授以至於吳郡張旭長史雖姿性顛逸超絕古今而楷精法詳特為真正真卿早歲常接游居屢蒙激昂教以筆法資質劣弱又嬰物務不能懇習迄以無成追思一言何可復得忽見師作縱橫不羣迅疾駭人若還舊觀向使師得親承善誘亟挹規模則入室之賓舍子奚適嗟嘆不足聊書此以冠諸篇首其後

繼作不絕溢平箱篋其述形似則有張禮部云奔蛇走
虺勢入座驟雨旋風聲滿堂廬員外云初疑輕烟澹古
松又似山開萬仞峯王永州豈曰寒猿飲水撼枯藤壯
士坂山伸勁鐵朱處士過云筆下唯看激電流字成只
畏盤龍走叙機格則有李御史舟云昔張旭之作也時
人謂之張顛今懷素之為也余實謂之狂僧以狂繼顛
誰曰不可張公又云稽山賀老粗知名吳郡張顛曾不
易許御史瑤云志在新奇無定則古瘦離驪半無墨醉
來信手兩三行醒後卻書書不得戴御史叔倫云心手
相師勢轉奇詭形怪狀翻合宜人人欲問此中妙懷素
自言初不知語疾速則有寶御史冀云粉壁長廊數十

間興來小豁曾中氣忽然絕叫三五聲滿壁縱橫千萬
字戴公又云馳豪驟墨列奔駟滿座失身看不及目愚
劣則有從父司勳員外郎吳興錢起詩云遠錫無前侶
孤雲寄太虛狂來輕世界醉裏得真如皆辭旨激切理
識元奧固非虛蕩之所敢當徒增愧畏耳時大厯丁巳
冬十月廿有八日

按釋懷素自叙以草書見知於當代名公歲在丁
巳為代宗大厯十二年懷素長沙人後人得其墨
蹟摹刻於零陵今所傳綠天菴草書自叙帖也顏
魯公懷素上人草書歌序見本集是刻吏部侍郎
集作吏部尚書觀其筆力之觀集作覩引以游處

之以集作共殆乎之殆集作迨楷精法詳集作楷
法精詳激昂集作激勸迄以集作迄用亟拒集作
亟揖聊書此句集無此字

懷素諸帖在西安碑林者宋元祐年所刻此近
人以西安本重摹耳湖南通志所載曾為歌詩
下多一故字楷精法詳上有模字陸增祥志

修吳季子廟碑

高六尺七寸廣四尺四寸二十行
行三十字行書在江蘇丹徒縣

改修吳延陵季子廟記

前試大理司直張從申書

信都魏清海鐫

有吳之興也泰伯讓以得之有吳之衰也季子讓以失

之為讓之情同而興亡之體異何哉泰伯之讓讓以賢也故周有天下而吳建國焉季子之讓賢以讓也當周德之衰而吳喪邦焉或曰非所讓而讓之使宗祀泯絕而不血食豈曰能賢斯可謂知存而不知亡者矣夫治亂時也興亡運也故至至而不可却終終而不可留黃河既濁阿膠無以正其色鹽池斯鹹弊敝不能匡其味與夫值濁亂之世召力勝之戎讓與爭孰賢乎易曰知機其神則季子之見可謂知機矣季子之明可謂知進退存亡而不失其正矣至於聽樂辨列國之興亡審賢知世數之存沒挂劒示不言之信避國保無欲之貞故有吳之祀寂寥而延陵之纓如在玄風可想至德興歎

美之詞哲人其萎表墓著嗚呼之篆向微德仁兩至則
夫子不復虛二歎焉詳其精義被物鈎深致遠之旨烏
可究其津涯而窺其牆仞哉是知讓之為德在於生靈
不獨其子孫明矣國有祀典人懷永思定忝列藩條欽
崇懿範予以加敬嚴乎閤宮別閨壺之內外正衆神之
序位舊以泰伯之廟在於蕞臺季子之祠像設東面非
由典禮諒無取焉必也正名於是乎在祈報旁奠贄幣
宜列於軒庑春秋禮薦俎豆當陳於正寢俾觀像者識
賢人之遺風可律審度者知經德之禮秩無差末學陋
詞不足頌其休烈寒來暑往敢用同於紀年時大唐大
曆十四年歲己未八月戊戌朔廿七日甲子正議大夫

使持節潤州諸軍事守潤州刺史上柱國賜紫金魚袋
新拜尚書戶部侍郎蘭陵蕭定字梅臣記

記云舊以泰伯之廟在於蘇臺季子之祠像設東面
云云似有改作而不詳其處今橫山越溪之間臺與
祠廟皆不可問閭門內僅有泰伯廟不聞有季子祠
碑亦無攷記曰泰伯之讓讓以賢季子之讓賢以讓
論議甚精用字未醒如曰讓於賢賢而讓不待申說
而豁然矣從申正書大類李北海當時藉甚而集古
錄云得其所書之碑輒棄去何也

金石後錄

按大厯十四年改修吳延陵季子廟記蕭定撰張
從申書蕭定判潤州為治行第一立祠記名亦興

廢舉陞之一端張從申工書當時與顏徐並重大
厯中李華所撰之淮南節度使崔圓頌德碑法慎
律師碑柳識元靖先生碑獨孤及鏡智禪師碑楊
綰王師乾碑樊晃怪石銘建中元年李翰漢黃公
碣並見金又大厯五年許登潤州上元縣銅井鎮
福興寺碑見復齋碑錄今存皆從申書蕭定此記見唐文
粹石本泐處審下為賢微德下為仁津涯下為而
人懷下為永之序下為位俾下為觀頌其下為休
可据文粹補正文粹弊敍作弊筆旁莫作獻莫不
復下無虛二二字蘇臺下有而制二字則當以碑
為正也

